

29 SEP 2000

MENTERI HAJI ARAB SAUDI KUNJUNGI DR MAHATHIR

PUTRAJAYA, 29 Sept (Bernama) -- Menteri Haji Arab Saudi Dr Iyad Ameen Madani hari ini mengunjungi Perdana Menteri Datuk Seri Dr Mahathir Mohamad di Jabatan Perdana Menteri di sini.

Dr Iyad, yang diiringi oleh Menteri di Jabatan Perdana Menteri Datuk Paduka Dr Abdul Hamid Othman, menemui Dr Mahathir selama hampir setengah jam.

Dr Iyad kemudian menghadiahkan "kiswah" (Kelambu Ka'abah) kepada Dr Mahathir.

Dr Iyad tiba di sini semalam. Beliau mengetuai delegasi 100 anggota ke Persidangan Pertama mengenai Bimbingan Haji yang bermula esok.

Persidangan itu yang bertujuan memberi bimbingan kepada jemaah dari seluruh dunia mengenai haji akan dirasmikan oleh Dr Mahathir di Palace of Golden Horses Hotel di sini.

Semasa persidangan selama tiga hari itu, Dr Iyad akan berucap pada sesi pembukaan dan penutup. Beliau juga akan mengemukakan kertas khas mengenai haji.

Awal hari ini, kedua-dua menteri menyertai majlis perasmian pameran berkaitan haji dan pembukjaan pusat media bagi persidangan di hotel berkenaan.

-- BERNAMA

AR ES FAZ